

Broj: 06-27-12-2628/18
Mostar, 05.06.2018. godine

Na osnovu odredbi člana 121. Zakona o upravnom postupku („Službene novine Federacije BiH“, br. 2/98 i 48/99) u vezi sa članom 24. Zakona o cestovnom prijevozu Federacije Bosne i Hercegovine („Službene novine Federacije BiH“, br. 28/06 i 2/10) i člana 28. Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra („Službene novine FBiH“, br. 79/13, 91/14, 98/14 i 84/15), Federalno ministarstvo prometa i komunikacija po službenoj dužnosti donosi

RJEŠENJE
o izmjeni dijela itinerera
na registrovanim redovima vožnje na području općine Visoko

1. Redovi vožnje autobusnih linija, koji kao stari itinerer linije od autobusne stanice Visoko do raskrsnice Ciglana u dijelu relacije Kamenjaci - Ciglana „R“ (Semafor) koriste Ulicu Branilaca Bosne, proglašavaju se Starim redom vožnje sa promjenom usljed više sile.
2. Ovo Rješenje dužni su primjenjivati nadležni organi za postupak usklađivanja i registraciju redova vožnje svih rangova linija (općinskih, kantonalnih, federalnih), koji usklađuju i registruju redove vožnje sa dijelom itinerera iz tačke 1. ovog rješenja.
3. Prijevoznici koji posjeduju registrovan red vožnje sa dijelom itinerera iz tačke 1. ovog rješenja, dužni su koristiti itinerer određen u skladu sa Odlukom o izmjenama i dopunama Odluke o organizaciji i sigurnosti saobraćaja na cestama na području općine Visoko, od 27.01.2017. godine bez prava korištenja stajališta na alternativnom itinereru.
4. Prijevoznici koji posjeduju registrovan red vožnje sa dijelom itinerera iz tačke 1. ovog rješenja i koji za itinerer kretanja imaju autocestu A-1 mijenjaju itinerer od raskrsnice Ozrakovići „KT“ do stanice Visoko „AS“ koristeći dio relacije F-67: Visoko „R“ – Visoko „AS“ (via Vispak), odnosno dio relacije ZDK-103: Topuzovo polje „R“ (Ozrakovići) – Ozrakovići „KT“ – Visoko „AS“ – Kamenjaci (Semafor).
5. Prijevoznici koji posjeduju registrovan red vožnje sa dijelom itinerera iz tačke 1. ovog rješenja i koji za itinerer kretanja imaju regionalnu cestu RC-445 od raskrsnice Topuzovo polje „R“ (Ozrakovići) do stanice Visoko „AS“ mijenjaju itinerer kretanja koristeći dio relacije ZDK-103: Topuzovo polje „R“ (Ozrakovići) – Ozrakovići „KT“ – Visoko „AS“ – Kamenjaci (Semafor).
6. Prijevoznici koji posjeduju registrovan red vožnje sa dijelom itinerera iz tačke 1. ovog rješenja i koji za itinerer kretanja koriste regionalnu cestu RC-443 prema Kiseljaku, mijenjaju itinerer kretanja od raskrsnice Ciglana „R“ (Semafor) do stanice Visoko „AS“ koristeći dio relacije F-68: Ozrakovići „KT“ – Ciglana „R“ (Semafor) i F-67: Visoko „R“ – Visoko „AS“ (via Vispak), odnosno ZDK-103:

Visoko "R" – Semafor (Ciglan "R") – Kiseljak "AS" i ZDK-103: Topuzovo polje "R" (Ozrakovići) – Ozrakovići "KT" – Visoko "AS" – Kameni most (Semafor).

7. Na redu vožnje iz tačke 6. ovog rješenja prijevoznici su dužni napraviti izmjenu na redu vožnje, tako što će dodati 1km na postojeću udaljenost od stanice Visoko „AS“ do naredne stanice/stajališta prema Kiseljaku i dodati 2 minute na postojeće vrijeme vožnje između tih stanica/stajališta.
8. Po prestanku razloga više sile, redovi vožnje se vraćaju na stare redove vožnje.

Obrazloženje

Općinsko vijeće Visoko na svojoj 4. sjednici održanoj dana 27.01.2017. godine, donijelo je Odluku o izmjenama i dopunama Odluke o organizaciji i sigurnosti saobraćaja na cestama na području općine Visoko.

U skladu sa navedenom Odlukom, zabranjen je saobraćaj za sva motorna vozila čija ukupna masa prelazi 3,5 tone u ulici Branilaca Bosne od Betonskog mosta do raskrsnice Ciglan.

Alternativni put je kroz ulice Bosne Srebrene, Kadije Uvejsa, kroz poslovnu zonu „Ozrakovići“, zaobilaznicom do mosta Podvanj, Gornje Rosulje, Kralja Tvrtka i Mule Hodžića.

Imajući u vidu da se navedena Odluka odnosi i na vozila kojima se vrši javni prijevoz putnika u linijskom saobraćaju, da je navedena izmjena itinerera nastala bez volje prijevoznika, te da su u ovom dijelu itinerera na registrovanim redovima vožnje nastupili razlozi više sile, to je riješeno kao u dispozitivu ovog rješenja.

MINISTAR

Denis Lasić



Dostaviti:

- Ministarstvo transporta i komunikacija BiH,
- Vanjskotrgovinska komora BiH,
- Općina Visoko,
- Ministarstvo prostornog uređenja, prometa i komunikacija i zaštite okoline Zeničkodobojskog kantona,
- Zainteresovanim prijevoznicima koji imaju registrovan red vožnje federalnih autobusnih linija sa dijelom itinerera koji je predmet ovog rješenja
- web stranici www.fmpik.gov.ba,
- evidenciji,
- a/a